

Te Heheuraa Api

E ITE I'A OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALESIA A IESU MESIA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 faranz i te matahiti.

Nº 4

-- EPERERA 1956 --

MAT. 43

"To Iseraela Hinaaroraa I Te Hoê Arii"

(I Samuela 8-10)

O te peropheta ra o Samuela te haava hopea o to Iseraela. E i to'na ra hoi mau mahana, na hinaaro noa hoi taua nunaa nei i te hoê Arii no ratou, mai te au hoi i to ratou iteraa i te tahi mau nunaa i te faatere-raa-hia e to ratou mau Arii. Area râ, o te faahapa-raa-rahi ia te reira i te Atua mai te au hoi i te täpũ o 'Ta'na i parau mai ia ratou ra, mai te mea, e hinaaro ratou i te tavini atu Ia'na ra, area râ, na mana'o ihora taua mau taata maamaa nei e, e mea hau a'e ia i te maitai ia rave mai te au i ta vetahi ra mau nunaa e rave nei, no te monoraa'tu i te hinaaro o te Atua.

E i te hoê mahana, na haere maira taua nunaa Iseraela nei ia Samuela. e na ô maira "Inaha, ua ruhiruhiahia oe, a faataa mai na oe i te hoê arii no matou ei haava ia matou, mai te fenua atoa ra".

Inaha riri ihora o Samuela no tana ohipa nei, e no te iteraa hoi e, e ere roa'tu i te mea tia ia na reira ratou, no te mea, o te Atua iho to ratou ra aratai, e to ratou Arii, e eita e tia i te hoê taata ia mono atu ia'na i nia i to'na ra terono.

Ua oti a'enei hoi te mau mahana o Mose, e mai reira e tae roa mai i te mau mahana o Samuela, ua faatere noa hoi te Atua i to'ua ra mau taata na roto i te parapauraa mai i ta'na ra mau peropheta, e na taua mau peropheta nei e faaite haere atu i te mau taata atoa i te mau hinaaro o te Atua. Noa'tu i te reira, te hinaaro etaeta roa nei to Iseraela i te taua atu i taua faatere raa ra.

Ua haavarehia hoi Samuela, e ua ite ihora oia e, te faarue nei te mau taata ia'na. E no reira, ua parau mai te Atua ia'na. Ua haavare-atoa-hia te Atua a parau atu ai oia ia Samuela e, "E ere hoi o oe ta ratou e faarue, ua faarue râ ratou Ia'u, eiaha vau ei Arii i nia ia ratou?"

Ua parau atura te Atua ia Samuela ia faatia i to ratou hinaaro i te hoê arii mai te mea e onoono noa mai ratou, area râ, a tamata etaeta atu oe i te taua i to ratou mana'o, mai te faaite hua'tu ia ratou i te peu a te hoê arii, ia arii oia i nia ia ratou, mai te mea hoi e, e taata ino oia.

Inaha, ua haere atura Samuela i taua mau taata ra no te faaite ia ratou i teie mau parau. Ua na ô atura oia e, e faariro hoi te hoê arii ia outou ei tavini no'na ra, e e rave atu hoi oia i ta outou ra mau faaapu e ta outou ra mau vine na'ua; e faariro hoi oia i ta outou ra mau vahine e ta outou ra mau tamarii ei mau rave ohipa i roto i ta'na fare tunuraa maa, e e ani atoa'tu oia i ta outou ra mau tamarii tamaroa no te haere i te tama'i. E e faarahi atoa hoi oia i te hopoia i nia ia outou, o te tafifi roa i to outou ra ora raa. Area râ, ua parau hoi te mau peropheta atoa mai te reira, e aore roa te mau taata i faaroo, na patoi ana'e atura ratou. Ua hinaaro roa hoi ratou i te hoê arii ia riro hoi ratou mai te vetahi mau nunaa ra i te huru. E aita roa ratou i hinaaro ia ite e, eaha mau te hurn ê raa.

Inaha, ua ho'i faahou atura Samuela i te Atua mai te faaite atu i te mau mea i parauhia mai ia'na. E i muri a'e hoi i to'na faaroo raa i te parau a teie nei peropheta, ua parau atua ia'na, ia maiti i te hoê arii no Iseraela. Tera râ, o vai te maiti?

E mai te au hoi i te mau ohipa o ta'na i rave tamau noa, ua tauturu maira te Atua ia'na no taua vahi ra. Ua aratai atura oia i teie nei peropheta i te hoê tamaiti rahi e te puai hoi o tei tavini atoa i te Atua ra. E o Saula to'na i'oa, e taata rahi roa hoi oia; mai to'na ra hoi taponu te hau e te rahi o te mau taata atoa ra.

E a haaputu ai Samuela i to'na ra mau taata, ua faaite atura oia ia ratou e, e horoa'tu oia i te hoê arii no ratou mai te au hoi i ta ratou i ani maira. Ei taua taime atoa ra, ua faaite faahou atura oia i to ratou hape i to ratou maiti raa i te hoê arii. E o te ravea atoa te reira e faarue ai ratou i to ratou Atua, o to ratou Arii mau. Inaha, ua pii ihora oia ia Saula, e tuu atura ia'na i mua i taua nunaa nei, ma te parau atu i te mau taata atoa e, o oia ta te Atua i maiti ei Arii no outou. Ei reira atoa, ua pii ihora te mau taata ma te oaoa, ma te tuo atoa e, "E te Atua, a faaora i te Arii".

Ua faarii hoi ratou ia Saula ei faatere no ratou, e ua pûpû ana'e atura i te tusia i mua i te aro o te Atua. E ua oaoa atoa ihora Saula e to Iseraela atoa.

Inaha ua parau atura Samuela ia Saula e te nunaa atoa ra, mai te mea e tavini atu outou i te Atua, e tae mai ia te haamaitai raa i nia ia outou, e mai te mea ra, e faarue ê outou ia'na, e faarue-ê atoa hia mai ia outou.

E toru ahuru hoi matahiti to Saula a arii ai oia i nia ia Iseraela.

Tahakura a Hutihuti

“To Tatou Na Hoa Mr. e Mme F. Mendenhall”

I te 2 no Mati nei, ua tae mai te hoê taata rahi no te Ekalesia na nia mai i te manu reva ra “TEAL”, e ta’na atoa ra vahine, o Mme W. B. Mendenhall.

Teie nei taata, e Peresideni rahi ia oia no te ohipa hamani-raa-Hiero, e te mau fare pureraa, e te mau fare haapiiraa a te Ekalesia nei. Te tere nei oia na te ao atoa nei no te hi’opoa raa e te hi’ohi’o-haere-raa hoi i te huru o teie mau fare a te Ekalesia.

I taua mahana ihoa i tae mai ai oia e ta’na ra vahine, ua faatupuhia te hoê pureraa no rana i taua pô ra, i te hora hitu e te afa i roto i te fare pureraa.

Ua arataihia hoi taua pureraa ra e te peresideni amao e Pou a Moo, i raro a’e i te faatereraa a te Peresideni Misionira o Elita.

Ua paraparau atu hoi te Peresideni Misioni i te mau huru o teie nei Misioni, e te haamaunururaa’tu ia ratia no to raua taeraa mai i rotupu ia tatou nei, i muri mai i te reira, ua tuu hia te tahi na taime ia raua.

E ua faaite maira raua i to raua oaoa, e te mau rahi i teie nei farereiraa i te Peresideni Misioni, e te mau orometua hoi, e ua tupu atoa to mau oaoa i te hi’oraa’tu i te mau mata o te mau melo o te Ekalesia, no te mea, hoê a huru outou e te mau taata Maori, e te mau taata Toga, e Samoa, e to Havaii, o tei farii poupu mai ia mau i roto i teie pureraa, “E ua ite mau e, te vai nei te Varna o te Atua i rotupu ia outou na”.

Ua faaite maira raua i te huru no to raua taeraa i te mau fenna, oia hoi, Nouvelle Zelande, Australia, Toga, Samoa, Havaii, e te tahi atu a mau vahi o te Ekalesia; e mea maitai roa e te tere nei hoi taua mau tufaa fenna ra i mau. E rave rahi hoi te mau fare pureraa apî e hamanihia nei taua mau fenna ra.

I te fenna Nouvelle Zelande, te hamani hia nei te hoê Hiero nehenehe roa no te mau melo atoa i teie paeau Patitifane nei. E teie hoi te faatereraa no te mau taata e rave i te ohipa: na ratou iho ta ratou moni no te hoora i ta ratou maa, e aore râ, na to ratou iho mau fetii e tauturu mai ia ratou, no te hamaniraa i taua Hiero ra, area râ, te tamuta rahi ra e mea maitihia mai ia no Marite mai.

Te na ô atoa maira oia e, mai te mea, te hinaaro nei outou i te hamani i to outou mau fare pureraa, e to outou fare haapiiraa, e na reira atoa ia outou, oia hoi, e rave ma te moni ore, e na tatou iho e to tatou mau fetii, e to tatou iho mau amaa e tauturu ia tatou. Area te mau taata faatere ra, no Marite roa mai ia te maiti-raa-hia. O te reira ia te huru o te mau faatere raa i te mau ohipa hamani-raa Hiero, e te mau fare pureraa, e te fare haapiiraa. E homa e, aita anei tatou e hinaaro i teie mau haamaitairaa rahi, oia hoi, na te Ekalesia te mau mea atoa no te hamaniraa i teie mau ohipa i faaitehia i mua nei? oia mau ia.

I te faaotiraahia taua pureraa farii raa ra, ua haere ana'e atura to te Ekalesia atoa, e teie peresideni faatere i teie mau ohipa, e ta'na vahine, e na peresideni Misioni, e ta raua mau tamarii, e te mau orometua, i roto i te fare-taoraraa-popo a Feia Api, S. D. J.

I te hora van e te afa, na faatupu-faahon-hia te hoê farii raa no raua, no te pae tino teie fariiraa. Ua horoa'tu to te Ekalesia nei i te tahi mau tao'a rii Tahiti ei tapao aroha e te faatara i to ratou mau taata faatere. E ua farii maitai mai rana, e na na ô maira, eita roa'tu teie mau tao'a rii faatara aroha e moe ia mana, e vai noa te reira i roto i to maua piha farii-raa-manihini, e ei haamana'oraa i te tapao faaturara e te aroha o te mau melo o te Ekalesia Tahiti nei.

I na mahana rii i muri mai mahuta atura na te reva. Te paran atu nei te HEHEURAA API e, ia haamaitai hia orna e te Atua.

To outou taeae i te Faaroo Pou Moo.

LA BRANCHE FRANCAISE

L'Eglise de Jésus-Christ des Saints des Derniers jours fut organisée le 6 avril 1830 à Fayette, comté de Senaca, Etat de New-York, et son histoire a été remplie d'événements saisissants. Dès le début, la nouvelle Eglise remporta des succès étonnants et rencontra de fréquentes persécutions. Les prétentions de Joseph Smith à la révélation divine, aussi bien que d'autres renseignements contraires aux croyances des autres églises, incitaient à la tolérance. Les membres étaient bien unis, très industriels et leurs rangs se grossissaient par l'afflux constant de convertis venants de l'étranger.

De 1840 à 1846, le siège principal de l'Eglise fut à Nauvoo, Illinois. En 1844, le prophète Joseph Smith fut assassiné par la populace, et en 1846, les membres furent chassés de leurs maisons et de leurs villes. En plein hiver ils commencèrent leur exode vers l'ouest.

Peu de migrations de l'histoire furent accompagnées de tant d'héroïsme. Entre 1846 et 1869, environ 85.000 Mormons traversèrent les plaines et les montagnes. Six milles personnes moururent le long du chemin. Ils vinrent, non seulement de l'est des Etats-Unis, mais aussi de plusieurs autres nations étrangères. Ils vinrent en chariots, ou à pied, en traînant des charettes à bras.

Le 24 juillet 1847, la première caravane pénétra dans la vallée du grand Lac Salé. Là, ils fondèrent la ville de Salt Lake City, quartier général de l'Eglise de Jésus-Christ des Saints des Derniers Jours. Située au centre d'une région formée de onze Etats où vivent un grand nombre de Mormons, Salt Lake City est aujourd'hui une ville pittoresque de 200.000

habitants. L'Eglise fondée par Joseph Smith compte plus de 1.300.000 membres et son message a été proclamé dans dans toutes les parties du monde par des missionnaires non rémunérés.

Voici l'opinion de quelques hautes personnalités qui ont été en contact avec les Mormons et qui, de ce fait, sont mieux qualifiés pour en parler que ceux qui ont tiré leurs informations de la littérature anti-mormonne.

THOMAS E. DEWEY, Gouverneur de l'Etat de New-York

Le 6 Mars 1951

"Mes relations personnelles avec les dirigeants et les apôtres de cette grande Eglise ont été particulièrement agréables. La connaissance que j'aie de l'histoire de cette Eglise et de l'oeuvre de ses membres dans notre région montagnueuse de l'ouest et dans le monde entier, m'inspire le plus grand respect et les sentiments les plus sympathiques pour eux. La transformation qu'ils ont effectuée de landes et de deserts en terres fertiles et de villes prospères, est un des miracles de l'énergie et de l'entreprise. Ce miracle est dû à la robustesse, à la persévérance, à l'habileté et à la patience des ancêtres des Saints des Derniers Jours, et à la continuation par leurs descendants d'aujourd'hui de leur oeuvre, grâce à leur dévouement au même idéal." Thomas E. Dewey

LE COMTE TOLSTOÏ

"Le peuple mormon n'enseigne pas seulement l'existence des cieux et des gloires qui les composent, mais il enseigne aussi la manière de vivre en sorte que les relations sociales et économiques mutuelles reposent sur une base saine et forte. Si le peuple suit les enseignements de cette Eglise, rien ne peut arrêter son progrès; il sera infini. De

grands mouvements se sont ébauchés dans le passé, mais ils sont morts ou ont été modifiés avant d'atteindre leur maturité. Si le Mormonisme peut durer inchangé jusqu'à la troisième et quatrième génération, il est destiné à devenir la plus grande puissance que le monde ait jamais connue." (Dit dans une conversation avec le Dr. Andrew D. White, alors ambassadeur des Etats Unis en Allemagne, lors de sa visite à Yasnaya Poliana, Russie.)

ALBEN W. BARKLEZ, Vice-President des Etats Unis:

"Outre que Brigham Young a porté la torche de la liberté religieuse dans une vaste région (alors non peuplée) des Etats-Unis, ce fut un administrateur civil, un avocat et un défenseur de la justice et de l'égalité. Honorons donc aujourd'hui un grand pionnier, un grand leader politique, dont le noble caractère, le courage, la détermination, le dévouement, la bonne volonté de servir non seulement ceux de son groupe mais tous les hommes, offrent un exemple que nous devons imiter à jamais. En entreprenant l'exode vers l'Ouest, Brigham Young ne cherchait pas la liberté religieuse; il se préparait aussi à fonder un grand Etat où le droit des hommes et des femmes d'adorer Dieu selon leurs consciences serait reconnu. Les institutions de l'Utah ont mon admiration. Son histoire est exemplaire. Je suis fier de voir dans ce panthéon des héros cet homme pieux, cet homme né du peuple, qui a fait plus que tout autre pour établir la civilisation qui règne dans le vaste territoire où s'est exercée son influence et où sa mémoire est respectée à jamais." (Extrait d'un discours de l'honorable ALBEN W. BARKLEY, lors de la cérémonie d'inauguration de la statue de Brigham Young, à Washington D.C., le 1 Juin, 1950.)

Préparé par l'Ancien Thomas Stone

Te Mau Haapiiraa no te Avae Tiunu

PARAIMERE

Irava tamau aau na te Paraimere:

“*E faaroo i to outou mau aratai, e auraro atu outou; te faaitoito ra hoi ratou i to outou mau varua.*” (Hebera 11:17)

I roto i te avae Tiunu ra e feruri i nia iho i te faaturaraa i te Peresideniraa no te Paraimere.

Pupu 1 (I raro i te 4 no to ratou matahiti)

Hebedoma 1: Te Purè

Hebedoma 2: Te faaroo; Mareko 6:24-51; Mataio pene 4:22-34

Hebedoma 3: Te faaroo i roto i te ohiparaa;
II Arii 5:1-19

Pupu 2 (5-6 matahiti)

Hebedoma 1: To ratou mau hoa here; Ioane 15:14;
Ioane 4:3-19

Hebedoma 2: Te tautururaa i to tatou Metua i te Aō ra.

Hebedoma 3: Te hamani maitai; Mareko 2:1-12

Hebedoma 4: Te tautururaa e te Oaoa; Luka 15:11-24

Pupu 3 (7-8 matahiti)

Hebedoma 1: Te mau pen i haapaobia ia riro oe ei melo matai no te Ekalesia.

Hebedoma 2: Te parau mau: Himene numera 168
Mau parau Riri

Hebedoma 3: Te mana'o tia. Hapii i te hoê hautiraa

Hebedoma 4: Haapao maitai i ta oe parau. Himene numera 168 Mau parau Riri.

Pupu 4 e te 5 (9-12 matahiti)

Hebedoma 1: Te mau hiroa faaroo numera 7

Hebedoma 2: Te mau hiroa faaroo numera 7

Hebedoma 3: Te mau hiroa faaroo numera 8

Hebedoma 4: Te mau hiroa faaroo numera 8

TE HAAPIIRAA SABATI

Te parau Haamana'oraa, Oro'a:

"A haapue i te tao'a na outou i nia i te ra'i, eiaha i teie nei ao, te vahi hoi i vaiihohia'i ta outou tao'a ra, e riro atoa i reira to outou aau."

Pupu 1 (I raro i te 6 o to ratou matahiti)

Haapiiraa i mana'ohia e te orometua, mai tei papaihia e ana.

Pupu 2 (6-9 matahiti)

Hebedoma 1: O Alama, te apî ra, Mosia pene 27 e te pene 28

Hebedoma 2: O Alama, e tavini itoito mau na te Atua Mosia pene 29

Hebedoma 3: O Alama raua o Amuleka, Alama pene 7 e tae roa'tu i te pene 10

Hebedoma 4: O Zeezeroma, tei Faafarinuhia: Alama pene 10:31-32; Alama 11:21-24; Alama pene 12:1-4, 14, 15

Pupu 3 (10-12 matahiti)

Hebedoma 1: O Caleba, te taata hi'o Faaroo, ra Numera pene 9 e tae roa'tu i te pene 14

Hebedoma 2: O Balaama, te tahu'a nounou rahi, Numera 21:4; e tae roa'tu i te Numera 24:14

Hebedoma 3: Iosua, Te Taata Haharu Tia. Iosua pene 1 e tae roa'tu i te pene 6 e te pene 23 e te pene 24.

Hebedoma 4:

Pupu 4 (13-15 matahiti) No roto mai i te buka "Ta Iesu I Haapii

Pupu 5 (16-19 matahiti) No roto mai i te Hiroa Faaroo.

Pupu 6 (20-25 matahiti) No roto mai i te Hiroa Faaroo.

Pupu 7 (Te Feia Paari) Te haamata mai nei te haapiiraa no roto mai i te "Poe Ta'oa Rahi". No reira a hoo mai i ta outou Beka tumu.

TE MAU TUAHINE

E haapii te mau tuahine i te mau parau no nia i te
Buka a Moromona mai te au i te mau haapiiraa i
haaponohia'tu.

Te parau tumu na te mau tuahine hahere no te avae Tiunu:

*E teie nei, no te mea ua haamata oe i te haapii atu i te
parau, ua hinaaro vau ia haapii atu â oe i te reira; e ua
hinaaro atoa vau ia itoitoe e ia hitahita ore oe i te mau mea
atoa ra. Eiaha oe e faateiteihia i te teoteo; oia ia, eiaha oe
e faaahaaha i to oe iho paari, eiaha hoi i to oe eteeta rahi.
Ia mata'u ore oe, eiaha râ e faahopo; a tapea i to te tino hi-
naaro atoa ra, ia faaîhia oe i te aroha; eiaha oe ia taatau.
(Alama 38:10-12)*

TE FEIA API

(Hoê â te mau parau no te haapiiraa e te parau
tatau aau na te feia apî i roto i te mau avae atoa,
no reira, e tapea i te taïpe no te reira e ia nenei-
faahou-hia.) A hi'o i roto i te avae Mati no te haa-
papuraa.

TE AUTAHU'ARAA

Te haapiiraa na te mau haapii hahere: Hiroa faaroo
numera 5. *Te faaroo nei matou i te tuurahia o te mau toroa
i roto i te Ekalesiane, mai tei tuuhia mai i roto i te Ekalesia
i mutaa ihora, oia hoi, te mau Aposetolo, te mau Peropheta,
te mau Orometua, te haapii e te Tauturu.*

Mau parau tauturu i roto i te Mau Irava Parau apî 2,
Ephesia 2:19-21; Ephesia 4:11-14.

Te mau haapiiraa na to te Autahu'araa:

Hebedoma 1: Te huru mau no te Ekalesia a Iesu
Mesia i te Feia Mo'a i te Mau Mahana
Hopea Nei.

- Hebedoma 2: Te taeraa mai o te Metua e Ta'na Tamaiti. To te Peropheta Iosepha Semita Faaiteraa i to'na iho aamu. Deuteronomi 4:28; Iakoba 1:5
- Hebedoma 3: Te huru mau no te Metua e te Tamaiti Genese 1:26-27; Genese 5:3
Mose 33:9-11, Ohipa 7:55-56; Buka Eafau 76;19-24
- Hebedoma 4: Te mau Parau Haavare, e te Taivaraa Rahi.

Te Parabole No Te Upe'a Toro

“E au hoi te basileia o te ao ra i te upe'a toro i tumu hia i raro i te tai o tei ati atoa i te i'a e rave rahi te huru ra; e ati a'era, na ume maira ratou i uta, parahi ihora na haputu ihora i te i'a maitatai i roto i te faarii, faarue atura râi te i'a iino.” (Mataio 13:47-48.)

No teie nei parabole aita roa te Fatu i faaite mai i te auraa o te reiaa ia tatou nei, Eaha ra hoi te tumu? No te mea, i roto i teie nei pene parau ua faahiti mai oia i te parau no na parabole e hitu ra, e no na parabole e piti ra, ua faaite ia oia i te auraa o te reira i ta'na ra mau pīpī, oia hoi te parabole no te Uene Hnero e to te Zizania i roto i te Aua ra. A rea, no na parabole e pae i toe ra, aita roa oia i faaite noa mai i te auraa no te reira, eiaha râ tatou e maheaitu no te reira. e haamana'o ra tatou i to'na iho reo tei faaitohia i roto i teie nei iho pene parau o tei na ô mai: “Ua haere mai ra te mau pīpī, na ô maira ia'na, Eaha oe i parau parabole atu ai ia ratou? Ua paran atura oia ia ratou, na ô atura, No te mea na horoahia ia outou te ite i te paran aroaro i te basileia o te ao ra, aita ra i horoahia ia ratou.” (Mataio 13:10-11.)

E no reira ua horoahia te ite o teie nei mau parau ia ratou, ta'na ra mau pīpī, oia hoi te mau aposetolo, no te Autahu'araa i mau hia e ratou ra, oia hoi, te Autahu'araa Teitei a Melehizedeka, i taua tau ra, e no reira te haamana'o nei au e, tei ia tatou atoa te reira Autahu'araa i teie nei anotau hopea nei, e te vai nei te reira mana o te Autahu'araa teitei i roto i te Ekalesi a Iesu Mesia i te Feia Mo'a i te Mau Mahana Hopea Nei, e tei ia tatou atoa te ite o teie nei mau parau.

E no reira e tamata na tatou i te tatara rii i teie nei Parable. Eaha ia te basileia o te ao ra? O te vahi ia e faaterehia nei te ohipa a te Atua i te ra'i ra, teie râ te vai nei to'na mono, e to'na hoho'a, i nia iho i te fenua nei, oia hoi te basileia o te Atua, oia hoi, te Ekalesia i te fenua nei. (R.F. 65:1-5,) No te aha aita te Fatu i faahoho'a i to'na ra basileia i te hoho'a o te hoê noa'tu upe'a taa ê atu? No te mea te vai nei, e toru huru upe'a; a tahi, o te upe'a hatutu ia; a piti, o te upe'a tupetupe ia; a toru, o te upe'a toro ia.

Teie te tumu i na reira'i oia ra, no te mea te vai nei te upe'a hatutu, o tei ore roa i tano i te ture no te faaati i te mau i'a e rave rahi, no te mea e mea nainai oia e e piti noa iho tufaa i roto ia'na ra, hoê ra, na raau i na hiti, te piti, te upe'a i ropu ra; oia'toa te basileia o te Atua, eita e tia ia vai iti noa i roto i te hoê noa iho nunnā, mai te mau noa i na tufaa e piti noa iho, oia hoi, na Autahu'araa ana'e ma te Evanelia ore, no reira aita ia te reira i tano i te ture. Mai te reira atoa te upe'a tupetupe, aita hoi oia i tano i te ture no te mea, e mea iti atoa oia e e piti noa iho atoa tufaa i roto i te reira, oia hoi, te raau e faaatira ia'na e te upe'a i ropu ra, oia atoa te basileia o te Atua, aita atoa i tano ia vai iti noa oia i roto noa iho i te hoê utuafare, e ia vai noa e piti noa iho tufaa, oia hoi, a tahi, te Autahu'araa iti, e a piti, te Evanelia. Aita atoa ia te reira i tano no te mea aita e horoaraa i te Varua Maitai.

O te reira te tumu i faau ai te Fatu i to'na basileia i i te upe'a toro, no te mea ua tano te upe'a toro i te ture e e tia hoi ia'na ia faaati i te mau i'a e rave rahi te huru, e te vai nei e torn tufaa i nia iho ia'na ra, oia hoi, te ara poito o te tapea i te upe'a i nia, te upe'a i ropu o te tapea mai ia i te mau i'a e rave rahi, e te ara tapau o te tapea i te upe'a i raro ra. No reira ua tano ia te reira i te ture. Te ara poito i nia ra, o te hoho'a ia te reira no te Autahu'araa teitei, te te upe'a i ropu ra, o te hoho'a ia o te Evanelia, e te ara tapau i raro ra, o te hoho'a ia o te Autahu'araa iti.

Tei te Autahu'araa Teitei te mana ia horoa mai i te maitai no te pae varua ra, no te mea ua na ô hia mai e: "Te mana e te tura o teiteitei ra, oia hoi te Autahu'araa a Melehizedeka ra, o te tapearaa i te mau taviri o te mau haamaitairaa atoa o te pae varua o te Ekalesia. Ia mau oia i te tia ia faarii i te mau parau aro o te basileia o te ra'i ra. "B.F. 107:18-19." E hoho'a te upe'a no te Evanelia i te ao atoa nei, i te mau nunaa, i te mau reo e i te mau opu atoa. (Apookalupo 14:6-7) E hoho'a te Autahu'araa haehaa i te ara tapau, oia hoi, "Tei ia'na te mana e te tura no te iti, oia hoi, te Autahu'araa a Arona tei mau i te mau taviri no te raveraveraa a te mau melahi ra." (B.F. 107:20.) O vai ia te tahu'a no teie nei upe'a, maori râ o Iesu Mesia. "Ua parau maira Iesu ia ratou, E te mau tamarii ra, e maa ta outon? Ua parau maira ratou, aita. Ua parau maira Iesu ia ratou' a tuu na te upe'a i te tau atea o te pahi na, e noaa ia ta outon. Ua tuu atura ratou, e aita a'era i maraa ia ratou ia ume i te rahi o te i'a." (Ioane 21:5-6.) O vai te mau feia ravaai? O te mau aposetolo ia o te reiaa anotaui, e ta'na hoi mau Aposetolo o teie nei tau hopea nei. (Mataio 4:18-19.) E tae atu te faaara i te mau taata atoa, na roto atu i te vaha o tau mau pîpî tei maiti hia e au nei i teie nei mau mahana hopea ra." (B.F. 1:4.)

Eaha iā te Evanelia? O te parau mana iā a te Atua. (Roma 1:16.) o te tapea iā i na mana e piti o te Atua, oia hoi, na Autahu'araa e piti ra. (1 Petero 2:9 B.F. 107:1-4,) Eaha iā te tai? O teie nei ao te reira: te vai nei te upe'a i roto i teie nei mahana e aita ā i umehia i nia i te pae, e vai noa te reira e tae noatu i te hopea o teie nei ao nei mai te Evanelia e tia i te vairaa ei faaite i to te ao nei. (Mataio 24:14.)

Eaha iā te mau i'a? O te mau melo iā tei roaa mai na roto i te pororaahia o te Evanelia. Eaha iā te mau i'a maitatai? O te mau melo iā o tei haapao maitai i te mau ture e te mau faaueraa. Eaha iā te mau i'a iino ra? O te mau melo iā tei ore i haapao i te mau ture e te mau faaueraa. Eaha iā te atiraa o teie nei upe'a? O te mau mahana hopea iā. Eaha te mahana e umehia mai ai taua upe'a ra? O te mahana iā o te tia-faahou-raa. "E haere mai i rapae, e te feia i mau na i te parau maitai ra, e tia mai iā e rave i te ora; e te feia hoi i mau na i te parau ino ra, e tia mai e rave i te pohe." (Ioane 5:29.) O vai iā te mau feia e maiti i te mau i'a maitatai e te mau i'a iino ra? O te mau melahi iā. "Oia atoa ia tae i te hopea o teie nei ao; o te mau melahi te haere mai e haru i te feia parau ino no roto i te feia paaau-tia, a huri atu ai i roto i te umu auahi ra: Tei reira te oto e te auanraa niho ra." (Mataio 13:49-50.)

Papaihia e to outou taeoe i te faaroo

Natai Marurai a Mahuru

PARAU RII API
TO TATOU FARE PURERAA I
PATIO-TAHAA

E tere atu to tatou Peresideni Misioni i Tahaa no te tomoraa i te fare pureraa apî i reira. E Amaa apî roa hoi teie, e rave rahi mau melo apî tei tomo mai i roto i te Ekalesia nei e no to ratou iteraa e, o te Evanelia mau ia. E inaha, ua faatiahia te hoê fare pureraa no ratou.

TE AMUIRAA EPERERA

E faaterehia te amuiraa no teie matahiti i Takaroa, Hikueru, Tubnai, Kaiatea Tahaa, e Papeete.

TE TAERAA MAI TE PAHI RA O SONOMA

Ua tae mai na nia i te pahi ra SONOMA, hoê ahuru ma piti orometua, hoê ahuru ma hoê, e mea haere roa ia i Nouvelle Zelande e Australie ma, no te poro-haere-raa i te Evanelia mau a Iesu Mesia.

E itana po ra ua faariihia ratou, e ua faaite atoa maira ratou i to ratou mauururu e to ratou oaoa hoi i te farereiraa i te mau taata maohi.

TO TATOU OROMETUA API O SETEFANO

I rotopu i na orometua 12 nei, o teie ia tei parahi mai i'ô tatou nei, oia hoi o Setefano. Te haapii nei oia i te reo Tahiti, e te poro atoa nei oia i te Evanelia na Papeete nei. E taata reo navenave teie no te ohipa himene.

Ua faarii-atoa hia oia, e ua faaite atoa maira oia i to'na mauururu no to'na maiti-raa-hia ei orometua no Tahiti nei.